



Sermon  
Kxf. Dr. Numlaajtsheb Yaaj

**“Tau Vajtsujplig Dawbhuv”**

The Day of Pentecost – Hnub Peetekos  
St. Michael's and Our Savior Lutheran Church  
5-23-2021

Thov txoj koobhmoov txojkev hlub thiab txoj kev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Tes Haujlwm, 2:3-4** "They saw what seemed to be tongues of fire that separated and came to rest on each of them. All of them were filled with the Holy Spirit and began to speak in other tongues as the Spirit enabled them – *Lawv pom ib yam zoo li tus nplaim taws los faib pes rhe liab pes vog mus rau lawv txhuatus. Vajtsujplig Dawbhuv los kav tagnrho lawv txhuatus lub siab, ces lawv txawm hais tau lwm yam lus raws li Vajtsujplig kom lawv hais.*" (NIV). Nov yog Vajtswv Txojlus. (Cross-reference – Mathais 3:11, Cov Dejnwm 2:2, 5, 8; 4:8, 31; 6:3, 5; 7:55; 8:17; 9:17; 10:46-47; 11:15, 24; 13:9, 52; 15:8; 19:6, 1 Xamuyees 1:14, Malakaus 16:17)

I. Hnubno yog peb ua koobtsheej nco txog **(Show Pentecost)**



"Pentecost – *Peteekos*" yog hnub uas Yexus cov thwjtim thiab nrog cov tibneeg coob li 120 leej tau Vajtsujplig Dawbhuv. Lolus “Penta – Petee” no yog txhais ntawm "Greek – *Kilis*" yog tus leeb "50." Peteekos yog ua koobtsheej 50 hnub tomqab “The Pass Over – Vajtswv Rooj Hmov Hla Dhau."

Yexus cov thwjtim nyob nrog Yexus tau 3 ½ xyoo. Lawv nyob txhua hnub mloog thiab kawm Vajtswv txojlus txog Vajtswv lub tebchaws uas yog ntuj ceebtsheej tau txoj sia mus ibtxhis. Lawv kho tau tej tibneeg uas muaj mob, ntiab tau dab thiab pom lawv tus Tswv ua txhuayam txujci tseemcee hauv lawv lub neej. Yog peb ua tibzoo xav peb yuav pom haistias, txawm cov thwjtim no kawm ntawm Yexus tau ntev lawm los lawv tseem tsis tau paub ua Vajtswv cov dejnum li. Thaum Yexus yuav mus saum ntuj, Yexus thiaj li coglus kom cov thwjtim nyob ua siab ntev tos, Vajleejtxiv yuav pub tus los pab lawv. Yog li ntawd Yexus thiaj li pub Vajtsujplig Dawbhuv rau lawv kom lawv muaj tswvyim thiab kom lawv txawj mus qhia Txojmoozoo.

**(Show receiving Holy Spirit)**



Nov zoo sisthoj li peb tibneeg txojkev ua ib tes haujlwm. Txawm peb kawm ntaub ntawv, muaj kev txawj lawm los peb tseem tsis tau paub ua tes haujlwm mus txog thaum lwmtus cob qhia kiag rau peb kom peb txawj ua. Thaum peb paub mensi lawm, tseem tshuav yam pedntej, vim peb tsis paub haistias nws yuav tshwmsim li cas. Yog li ntawd peb yuavtsum muaj tus los koj peb txoj hauvkev thiab qhia kom peb paub ua tes dejnum thaum peb ua, thiaj li yuav tsis muaj teebmeem. Vajtsujplig Dawbhuv yog tus los pub lub tswvyim thiab ua tus koj koj ua txhuayam

koj thiaj li koj tau lub koobmeej los rau Vajtswv. (Show map at Pentecost)



Cia kuv hais ntxiv kom nej totaub tshaj no. Nej saib thaum Petus los mus tshajtawm Vajtswv Txojmoozoo rau tibneeg tuaj tebchaws Axias, Medeteranian, Judea and Egypt etc. Lwm haiv tibneeg coob heev mloog saib Petus hais txog dabtsi. Petus twb tsis txawj hais lawv cov lus tiamsis thaum Petus hais lus, lwm haiv tibneeg hnov Txojmoozoo los ntawm lawv tejlus. Hnub ntawd thiaj li muaj li 3000 tus los ntseeg thiab ua kevcai ntxuav vim lawv txais Txojmoozoo uas Petus qhia txog tus Cawmseej Yexus Khetos.

II. Vajtswv txhawb Petus kom nws muaj lub dag lub zog los mus ua Vajtswv tes haujlwm. Tsis yog Petus tibleeg xwb, (Show flame at Pentecost)



tiamsis cov thwjtim nrog rau cov ntseeg mus txhua qhov txhia chaw mus tshajtawm txojkev cawmdim txog Yexus Khetos. Vim lawv tau txais qhov khoomplig uas yog Vajtsujplig Dawbhuv los rau hauv lawv lub siab. Qhov no ua rau lawv lub siab kub li nplaimtaws, yog li ntawd, lawv yuavtsum koj tus nplaimtaws no mus kub rau lwmtus kom lwmtus cig ib yam li lawv. Thaum no yog tus nplaimtaws kub nplaimtaws, sawvdaws yuav kub ibyam vim sawvdaws tau txojkev cawmdim ib yam.

Vajnsujplig Dawbhuv twb los nyob rau hauv koj lub neej thaum koj los ntseeg Vajtswv. Yog nej ib txhia tseem ntshai thiab haistias, nej tsis tau Vajtsujplig Dawbhuv nyob rau hauv nej lub neej, nej cia li nyob kajsiaib lug. (Show 1 Corinthians 12:3)



Vajtswv txojlus haistias, "No one can say, "Jesus is Lord," except by the Holy Spirit – Tsis muaj leejtwg haistias, "Yexus yog tus Tswv," tsuas yog los ntawm Vajtsujplig Dawbhuv xwb." (1 Kauleethaus 12:3). Yog koj tsis lees paub haistias Yexus yog tus Tswv koj yeej tsis tau muaj Vajtsujplig Dawbhuv nyob rau hauv koj. Tiamsis thaum koj paub Yexus lawm, thaum no yog Vajtsujplig Dawbhuv yog tus qhia rau koj. Vajtsujplig Dawbhuv yog tus pub tswvyim rau koj kom koj txawj ua koj lub neej. Vajtsujplig Dawbhuv yog tus pub koj muaj siab dawb siab

zoo, siab ntev, nyiaj taus tej kev txomnyem thiab pub txojkev kajsiaib rau koj. Vajtsujplig Dawbhuv mus uantej koj txhua txoj hauvkev thiab koj kom koj paub ua txhuayam ntawm koj lub neej.

Cov kwvtij hlub thiab movtshua, Vajtsujplig Dawbhuv koj koj txojkev kom koj ua rau Vajtswv tau koobmeej. Tiamsis nws yuav tsis yuam kom koj ua. Vim koj tsis yog tus robot uas nws yuav muab koj tig li ub li no tiamsis nws yuav koj koj kev, kom koj paub ua qhov zoo tsis txhob ua qhov phem. (Show Go)



Tiamsis peb tibneeg pheej tsis cia Vajtsujplig Dawbhuv koj peb kev. Peb xum yuav li peb lub siab nyiam heevduas li Vajtswv lub siab nyiam. Vajtswv Txojmoozoo qhia kom peb yuavtsum "Mus muab txhua tus tibneeg los ua thwjtim..." (Mathais 28:19). Peb tsis ua li Vajtswv txojlus samhwm tseg. Peb tsuas pheej haistias, cia lwmtus mam li ua. Yog koj ua li no, koj yuav ua li cas koj tau Txojmoozoo mus qhia rau tus uas tseem

tsis tau Vajntsujplig Dawbhuv uas yog tau txojkev cawmdim ntawm Tswv Yexus Khetos. Koj twb hnov Txojmoozoo lawm, cia li mus qhia rau txhualleej txhuatus.

III. Koj yuav ua tau li no yog koj txojkev ntseeg kev cia siab rau Yexus Khetos. (Show Acts 2:21)



Vajtswv txojlus qhia haistias, "And everyone who calls on the name of the Lord will be saved – *txhuatus uas thov tus Tswv lub npe tus ntawd yuav dim.*" (Tes Haujlwm 2:21). Luther's Small Catechism – *Luther Phau Ntawv Qhia Kev Ntseeg Me*" sau haistias "*Vajntsujplig hu kuv los ntawm Txojmoozoo, ua rau kuv pomkev vim nws pub dawb, coj thiab saib kuv txojkev ntseeg kom ruaj khov.*" Vajntsujplig Dawbhuv hu peb los sib sau uake los ua Vajtswv cov menuam.

Ntau Pawgntseeg qhia haistias koj yog tus ntseeg Yexus lawm los koj tseem tsis tau Vajntsujplig Dawbhuv. (Show received Holy Spirit?)



Cov ntseeg no qhia haistias, koj yuavtsum tau ibqhov "exceptional experience – *tau yam txawv*" xws li "ua npausuav, quaj, pom ibyam zoo li xub nroos, kho tau tibneeg tus mob zoo, thiab txawj hais lus txawv txawv" losyog ua rau nws paub tau haistias nws txawv lawm ces lub sijhawm no yog nws tau Vajntsujplig Dawbhuv lawm. Thaum lawv tau li no lawv khav haistias lawv yog tus ntseeg Vajtswv dua. Tiamsis kuj muaj ntau tus ntseeg haistias, lawv tos tau 20 tawm xyoo lawm, lawv yeej tseem tsis tau Vajntsujplig Dawbhuv li vim lawv tsis tau "ua npausuav, quaj, pom ibyam zoo li xub nroos, kho tau tibneeg tus mob zoo, thiab txawj hais lus txawv txawv." (Show Jesus is Lord)



Cov kwvtij, Vajtswv txojlus tsis tau qhia haistias, koj yuavtsum rov tau Vajntsujplig Dawbhuv zoo ibyam li Yexus cov thwjtim mas koj thiaj li yog tus ntseeg tseem. Vajtswv txojlus haistias, "no one can say, "Jesus is Lord," except by the Holy Spirit – *Tsis muaj leejtwg haistias, "Yexus yog tus Tswv," tsuas yog los ntawm Vajntsujplig Dawbhuv xwb*" (1 Kauleethaus 12:3). Hnub uas koj los ntseeg Vajtswv thiab thaum koj ua kevcai ntxuav koj twb tau Vajntsujplig Dawbhuv lawm. Koj tsis tas yuav tos kom koj tau ibyam txawv txawv los rau koj lub neej li. Vajtswv qhov khoomplig uas hu koj los paub Vajtswv thiab los ua Vajtswv tus menuam, koj twb tau lawm. (Show Holy Spirit)



Nyob ntawm Vajtswv txojkev pomzoo. Tiam tamsimno tibneeg yuav muaj tej yam txawv txawv los tshwm rau lawv lub neej thiab yuav ua rau tibneeg kho tau mob thiab hais tau lus txawv txawv. Tiam uas Yexus pub Yexus cov thwjtim tau Vajntsujplig Dawbhuv yog tibzaug ntawd xwb. Peb tsis tas yuav haistias, peb yuavtsum tau Vajntsujplig Dawbhuv duas vim peb twb tau Vajntsujplig Dawbhuv thaum Nws hu peb los ntseeg nws thiab cia siab rau nws ua peb tus Cawmseej lawm. Cia li nyob kajsiaib lug, tsis txhob tseem pheej tos vim koj twb tau Vajntsujplig

Dawbhuv thiab txojkev cawmdim vim koj yog tus ntseeg thiab cia siab rau Yexus Khetos. Thov kom Vajtswv txojlus pub rau peb sawvdaws totaub thiab tau nyob kajsiaib lug rau ntawm Tswv Yexus Khetos. Peb Txhuatus uas yog Vajtswv cov menuam peb sawvdaws hais: Asmees.